

Дагъустандигъ суфизм тарабгъуваликан

Шариаът ва Т'арикъат. Фукъан уткан даринхъа му къюб гаф, фукъан утканди ебхурдаринхъа! Му гафар текрар ап'руган, к'ваз рагъят шулу. Гъямд ибшри Аллагъдиз ﷺ ухъкан муъминар ап'баз ва ухъу гъякъ рякъ'ин алагъур-муршидарихъ мягърум дарап'баз. Му ниъматдиз гъямд ап'уз Аллагъу Тааълайи мумкинвал туву касра бахтлу ву. Исламдин ахъю аълим ва философ имам Гъазалии мидиз гъамциб мяна тувра: «Гъаму дюн'яйигъ инсандиз варит'ан ахъю шадвал – Аллагъу Тааълайи уву мусурмнаркан ап'уб ву. Къюбпи шадвал – уву гъякъ рякъ'ин алагъур касдихъди-муршид-дихъди гюрюшмиш духъну, гъадхъан тербияйикк ккуч'вувал ву». Исламдин адлу аълимарин ва Аллагъу ﷺ агъю гъап'дарин арайигъ мурар саб-сабдихъан жаради вуш, гъякъ шулар, к'луру гафарин сабвал а.



Мурадула Дадаев

«Т'арикъат ва Шариаът – юкъна фунси ву, сабдихъан тмунуб хътарди арайиз удубч'вуз шулдар». «Т'арикъат ва Шариаът – жандакна рюгси ву. Шариаът т'арикъат хътарди – рюгъ адру жан ву». Хъана месэла: «Шариаът – гими ву, Т'арикъат – гъюл, хъа гъякъикъат – гъюлин исикк кайи гевгъер ву. Гъюликкан гевгъер ккадабгъбан бадали, инсан сабпи ражну гимийигъ эъну ккунду. Му гими Шариаът ву. Анжагъ хъасин думу гъюлиз ис шулу, яни т'арикъатдиз. Исламдин ахъю пай аълимари, дурарин гисабнаан адлу аълим Гъяфиз Мугъаммад Сиддикъ аль-Умарийи, гъапну: «Т'арикъат сабпи ражну ачмиш гъап'уб – вагъю ву. Гъаз гъапиш, т'арикъат, саб шаквалра адарди, игъсан ву, хъа игъсан диндин шубуб пайнакан саб ву, мурарикан Пайгъамабри ﷺ хъайи-хъайибси агъябариз ктибгнну ва аххиригъ гъапну: «Дугъриданна ухъухъна гъафир Жабраил малаик ву, учвухъна ичв дин улупуз к'лури». Гъамрар шубуб – ислам, иман ва игъсан. Ислам - хъепехъуб

ва ибадат ап'уб ву, иман – нур ва акъида ву, хъа игъсан – жвуван бат'ин дюн'яйиз лигуб ву. Пайгъамбари ﷺ гъапну: «Аллагъдиз ﷺ увуз Думу рякъюрайиганси ибадат дап'ну ккунду. Гъелелиг увуз думу рякъюрадаришра, дугъриданна Дугъаз уву рякъюра...». Ихъ вахтари саспи жагъилар бидаъйинди мусурман гъякъ рякълан улдугуз гъитуз чалишмиш шула. Ва гъамдихъди дурари чпи ап'урайи бидаъ марцци дин ву, хъа гъякълу дин бидаъ ву, к'лура. Гъайифки, ихъ арайигъ му дин пуч ап'рударихъди гъягърударра а, ва гъякъ рякълан улдугуру. Мурари туву зарарну мусурнарин ва мусурман дарударинна кмиди арайигъ ч'уру шил гъибт'ру, лигру гъяларин, мурар

Пайгъамбарин ﷺ гафарин гъаври адар, му гафар имам Шамили гунагъкра-рихъинди илт'ик'ури гизаф текрар ап'уйи: «Бахтлу ву учвара, чан гунгъарра кечмиш гъахъир, Бала ву, учв кечмиш духъну, хъа гунгъар гъузуригъ». Мусурман касди шариаът ва Т'арикъат сат'иди хъап'ну ккунду, к'луру гафариз Кур'андигъра, Суннайигъра ва адлу имамарин юкъби мазгъабаригъра гизаф далилар а. Гъаму макъалайигъ узугъ газат урхрудариз тарих ачмиш ап'уз ккундузугъ. Мид'ан ухъуз ачмиш шулаки, Дагъустандигъ ва вари Урусиятдигъ дин тарабгъдар суфйир, загъир (заълан) ва бат'ин (айт'ан) вуйи илим агълууйр ву. >> 3


Нумрайигъ:



Гъибихъу шейгънакан фу дап'ну ккунду?



Уъмрин натижа – Аллагъдин разивалигъ



Абу Гъянифайин уъмригъ гъахъи бязи дюшюшар >> 5

Варит'ан ужудар гъиллигъарин инсан

РЯГЪМАТЛУ МАКЪСУД-ГЪЯЖИ САДИКЪОВ КИВАИН АП'УРИ...

Ассаламу алейкум, гъюрматлу ватанагълийир! Узугъ гъаму макъалайигъ йиз уъмригъ алахъу варит'ан ужудар ва эдеблу ксарикан сар вуйи Макъсуд-гъяжи Садикъовдикан пуз ккундузугъ. Къудратлу Аллагъдин амриинди 2008-пи йисан ноябрин вазли узугъра Гирами Сауд Аравияйин жилина гъяждиз гъягъювал къисмат гъабхъну. Миллионаринди мусурмнаринси, йиз к'вагъра саб вазлин муддатнагъ узугъ гъахъи, гирами жилин гъяркъю къадарсуз ужудар фикрар - хиялар мюгъкамди ут'лукъна.

Пирмягъмед КЪАСУМОВ,
шаир, писатель, журналист

Ахъю разивалиинди къайд ап'уз ккундузугъ, фицики учу айи самолетдигъди Дагъустандин мусурмнарин идарайиз регъбервал туврайир, муфтий Агъмад-гъяжи Абдулаевра айи. Хъа гъяж ккебгъну ккудукълайизкъан вуйи вахтна ич дестейиз регъбервал тувур Мягъягъгъала шагъригъ ерлешмиш дубхънайи теологияйин ва диндин институтдин ректор профессор Макъсуд-гъяжи Садикъов вуйи. Гъадму касди ккебгъну ккудукълайизкъан гъяждиз гъягърударин гъуллугъ шлубкъан ужуйи к'лулиз адабгъуб метлебниинди ахъю гъайгъушин гъизигънийи. Дугъу ап'ру гъарсаб гафнан рябатлували, са-

бурлували ва хасиятнан имшахвали гъарсар касдиз учв ккун ап'уз гъитуйи. Дугъри ву, фицики сабпи ражну гъяж к'лули гъабхрудариз фукъан вушра читинвалар алахъуру, хъа амма учугъ гъаму терефнаанра хайлин далилари кюмек тувнийи. Ич гъяж ягъурлуди ва тешкилувалиинди к'лули гъябгъюрайивализ ухшарвал тувур иллагъки Макъсуд-гъяжи Садикъов вуйи. Ич гъяждин къяляхъра узугъ кми- кмиди Макъсуд-гъяжи Садикъовдихъна гъягъюри шуиза. Дугъахъди имшахвалиинди гаф-ч'ал ап'ували к'ваз рягъятвал тувуйи. >> 5

Абу Гьанифайн уьмриъ гъахьи бязи дюшюшар

Аьбдуррагъмандин бай Мусаддий ктибтура: «Узу Ибрагъимдин ма-къамдинна Кябайн арайиъ даах-найган, нивкӀукди сар гъякълу кас гъяркъюнзуз, дугъу гъапну: «Гъуджв, гъаз даахнава? Му Аллагъу Тааьлайи дюаь къабул апӀру йишв ву». Гьаму гафарин къяляхъ узу уягъ гъахъунзу ва, гунгъарин аьфв ккун апӀури, мусурмнари дюаь апӀури гъябкъюнзуз, амма цӀиб вахтналан хъанара нивкӀуз гъушза. Му ражну нивкӀукди Пайгъамбар ✴ гъяркъюнзуз, ва гьерхза: «Салам увуз! Я Аллагъди Гъаьнайир, Куффайиъ яшамеш шулайи касдикан уву фу кӀарва? Дугъаз Нумман кӀуру, узуз дугъахъ урхуз хай шулин?» Пайгъамбари ✴ гъапну: «Ав, Абу Гьанифайихъ илим аьгъю апӀин ва гъадгъу кӀуругансира апӀин, гъаз гъапиш думу ужур кас ву» Узу нивкӀан уягъ гъахъиган, гъачӀниндин гъудгнин вахт вуйи. Валлагъи, гьаму нивкӀ рябкъяйиз узуз Сабитдин бай Нумман дак-книр вуйиз, хъа гьамус узу Аллагъдикан ✴ аьфв апӀуб ккун апӀураза».

Мугъяммад Фарукъ Азимов

Уву жиларикан вуна, дарш дишагълийирикан?

Къази Юсуфди ктибтура, Мансур гьюкумдарин сар дишагълийирикан хасиятнан лукӀ ади гъахъну. Дугъу гьарган имам Абу Гьанифайилан чӀуруб кӀури, зулум апӀури гъахъну. Гьюкумдри му имамдикан гьерхган, дугъу кучӀлар апӀури, имамдилан футнийи апӀури гъахъну. Гьюкумдри гьерхру: «Яв фициб мурад-метлеб вуяв?» Дугъу жаваб туву: «Узуз дугъаз сакъюдар суалар тувуз ккундузуз, эгер дугъу жавабар тувиш, дугълан харжиб пуб дебккди-за». Мансур мугъан гафариин шаклу гъахъну: «Эгер дугъу жаваб тувишра,

бажагъат сикин шалва».

Имам Абу Гьанифа, саб фициб-вуш ляхин ади, гьюкумдрихъна гьюру. ЛукӀру дугъаз кӀуру: «Уву варитлан читин суалариз жаваб туври шул-ва, увуз сакъюдар суалар тувуз хай шулин?» Абу Гьанифа дугъахъ хъпехъ-уру. ЛукӀру гьерхуз хъюгъю: «Жилин гъацӀкъялан йишв наан а?» Имамди гъапну: «Уву наан дугъужвнаш, гьадму жилин гъяцӀкъяла йишв ву, фицики жил гергимб ву».

«Аллагъу Тааьлайи халкъ дапӀнайидарикан фундар артухъ а: кӀул алидар, дарш ликар ккайидар?» Имамди кӀуру: «Ликар ккади халкъ дапӀнайидар артухъ ву».

«Дюн'яйиъ жилар гизаф айин, дарш дишагълийир? – Жилар гизаф а, хъа дишагълийирира цӀиб дар. Абу Гьанифайи кӀуру, хъа уву гьамрарикан фундарикан вува: жиларикан, дарш дишагълийирикан?» Хъа лукӀ хацӀ дапӀнайири вуйи. Думу, фу кӀуруш аьгъдарди, ургну дугъужву. Дугъан ушвини айти кӀишв гъебццганси гъабхъи, хъа машназ амкӀ удубчӀву («Манакъибу Муваффаъ», 146-пи маш).

Имам Абу Гьанифайиз улихъ вахтари чан мялимди фици-вуш, жвуваз гьамцдар суалар тувруган фу дапӀну ккундуш, насыгъят тувну: суал туврайиризра, чав апӀурайибдин гъаври хъпан бадали, суал тувну ккунду.

Рамазандин вазли, хпирихъди сатӀи шулза кӀури, ху апӀбакан

Сар касди, Рамазандин вазли хпирихъди сатӀи шулза кӀури, ху гъапӀну. Хъа чав гъапӀу гьалатӀнан гъаври гъахъиган, думу му дюшюшар дий фици духъну ккундуш гьерхуз, аьлимарихъна гъягъюру, фицики, эгер чав гъапиганси гъапӀиш, дугъу



гунагъ апӀуру ва къюб вазли ушвар дидисну ккунду, хъа ху тамам дарапӀиш, думура гунагъ шулу. Мугъан суалнан гъякънаан сарихъанра жаваб тувуз гъабхъундар. Аьхирки думу имам Абу Гьанифайихъинди алдахъуру ва гъабхъибдикан ктибтуру. Имамди, гизаф фикир дарапӀди, гъапи: «Хпирихъди сефериз удучӀв ва душваъ сатӀи йихъай, гъаз гъапиш рякъю-хулиъ айидариз ушв дибрис-ди гьибтуз ихтияр а».

Абу Гьанифайн аьндарвал Ибрагъимдин бай Мугъяммадди ктибтура, имам Абу Гьанифа дустарихъди мистаъ дуснайган, дурадин багъхангина сар кас гъягъюрайи. Дугъахъинди дилигну, имамди гъапи: «Му сефериз айир ву, мугъан жибдий меълишнар

а, ва дугъриданна думу баяр-шубариз тербия туврур ву».

Тялимарикан сариз, гъякъикъатди гъацӀи вуш, аьгъю апӀуз ккун гъабхъну. Думу кас сефериз айир вуди гъахъну, жибдий кишмишра ади шул, ва думу дугъриданна баяр-шубариз тербия туврурра вуйи. Душвахъ хъайидари Абу Гьанифайихъан гьерху: «Увуз фици аьгъю гъабхъунвуз?» Имамди жаваб туву: «Саб кӀуруб; думу гъягъюрайир гагъ му терефназди, гагъ тму терефназди лигури гъягъюрайи, мици сефериз айидари апӀуру; къюб кӀуруб; дугъан жибдий ппеппийи айи, ва душваъ меълишнарикан айи аьгъю гъабхъизуз; шубубпиб; думу гизафси баяр-шубарихъинди лигури, гьамдиан узу думу тербиячи вуйибдин гъаври гъахъизу».

ОНЛАЙН

Илмикан



Суал: Узу 44 йисан школайиъ мялимди гъилихунза. Гьамус пенсияйиз удучӀвназа. Мялимвал апӀру вахтна аьраб чӀалинин машгул гъахъунза. Аьраб чӀал ккебгъру курсар, Гирами Кьур'ан ва жара китабаран аьгъювалар гъадагъунза. Узу гъаври дархьи йишвар гъахъиган, ич гъулан маллайихъан гьерхри шуйза. Гьамус Кьур'андин китабдиан «Ясин», «Аятул Курси» ва жара сурйири урхури шулза. Гъудган апӀуз мистазра гъягъюраза ва «Ас-салам» газатра гьарган бикӀури шулза. Хъа гьамус му узу гъизигу зегьмет ич маллайи гъярам ву кӀура. Узу фу дапӀну ккунду: хъанара ужуйи аьгъю апӀуз зегьмет зигну, дарш вари аьгъю апӀурайиб дипну ккундин?

Жаваб: «Пайгъамбарин ✴ гъядисдий дупна: «Илим аьгъю апӀуб гъарсар мусурман касдиз фарз ву». Гьаму гъядисдиан ухъу илим аьгъю апӀуз чалиш-

миш духъну ккунибдин гъаври шулхъа, гьюрматлу гъардаш. Фунуб вушра ляхин, эгер думу мялимдихъди апӀуруш, гъаври ужуйи шул ва берекетра шул. Жъуву сарна-сарди урхуруш, гизаф гъаври адрахъу дюшюшар гъузуз мумкин ву. Хъа дициб мумкинвал адарш, жвувхъан шлубси жюрбежюр диндин китабар, газатар урхури, жвуван илмин дережа за дапӀну ккунду. Ичв гъулан маллайи уву гъизигу зегьмет гъярам ву гъаз кӀураш, дугъхъан аьгъю дапӀну ккунду. Амма гьамусдиз аьгъю гъапӀуб дипуз хай шулдар, анжагъ хъанара жвуван илмар за апӀуз чалишмиш духъну ккунду. Хъа уву мялим хътарди урхувализ лигну, уж хъибдийи, эгер сар аьгъю касдихъна душну, дугъан улихъ урхури, яв гъалатӀар ктагъуз гьитри, аьгъювалар тамам гъапӀнийиш. Гьит Аллагъу Тааьайи илим урхуз тавфикъвал туври!

Гьюри-перйир

Суал: Йиз 8-9 йис вуйиган 1948-50-пи йисари хъитӀирхбандин гъудгнин къяляхъ, жвуми йишван шубуб гьюри-пери сабси нур хъади тӀирхури гъяркъну. Гъарзариин шубуб ражну илдицуйи, хъа жин шуйи. Марцци гъар'ан башламиш апӀуйи, учу думу йишваз «жюлеж» кӀури шулча. Ва хъа-

нара гъадиана укӀу ранган духъайин гъягъюйи. Гьамдиан йиз суал арайиз дуфнайиз: Гьамус дицдар берекетар имдар аьхир!?

Жаваб: Вари шулайиб Аллагъу Тааьлайин амриинди шула, гьюрматлу гъардаш. Эгер Дугъаз дицдар ляхнар текрар апӀуз ккун гъабхъиш, саб шак-

вал адарди Дугъу апӀиди. Хъа гьюри-перйир рякъюваликан кӀуруш, ухъуз дурар гьюри-перйир вуйин дарин наьнан аьгъяхъа? Ухъуз дурар заткъан гъяркъюндархъуз аьхир. Хъа ухъу дицдар ляхнар вари ужувлаз ву кӀури умудлу хъидихъа. Гьит Аллагъу Тааьлайи ухъуз кюмек ишри!

Туалетдиан удучӀвган урхуру

غُفْرَانِكَ . الْحَمْدُ لِلَّهِ الَّذِي أَذْهَبَ عَنِّي
الْأَذَى وَعَافَانِي

«Гъуфранака, алгъямдуллилагъи ллази азгъаба аьнни альзаза ва аьфани» Мьяна: «Я Аллагъ, Увкан йиз гунгъарин аьфв апӀуб ккун апӀураза. Гьамд ибшри Аллагъдиз, узуз чӀуруб апӀуб узхъан ярхла апӀбан ва йиз жандак сагъди уьхбан».

